

Race makers
Ármúli 24
108 Reykjavík

Reykjavík, 25. júlí 2019
UST201907-180/Þ.V.B.
09.07.01

Efni: Umsókn um leyfi til framkvæmda - Snæfellsjökulþjóðgarður - Þríbrautarkeppni

Umhverfisstofnun hefur móttengið umsókn Race makers, dagsett 19. júlí 2019, um leyfi fyrir hjólreiðarviðburði innan Þjóðgarðsins Snæfellsjökuls.

Þjóðgarðurinn Snæfellsjökull er friðlýstur sbr. reglugerð nr. 568/2001. Hvers konar atvinnustarfsemi og samkomuhald er óheimil í þjóðgarðinum, nema til komi sérstakt leyfi Umhverfisstofnunar.

Lýsing verkefnis:

Hjólreiðaviðburðurinn er haldin í tengslum við þríbrautarkeppnina Ísland extreme triathlon þann 27. júlí 2019. Mun hluti leiðarinnar sem keppendur hjóla liggja í gegnum þjóðgarðinn eftir um 28,4 km löngum kafla á þjóðvegi 574. Gert er ráð fyrir um 75 keppendum og ráðgert að þeir muni hjóla í gegnum þjóðgarðin á tímabilinu 6:30-8:45 um morguninn. Ekki er gert ráð fyrir drykkjastöðvum á hjólaleiðinni eða merkingum innan þjóðgarðsins. Óheimilt verður að losa sig við úrgang á leiðinni og eingöngu heimilt að nota salerni utan þjóðgarðsins. Til öryggis mun eftirari fara á eftir hjólamönnum á bíl og týna upp allt sem hugsanlega gæti dottið eða fokið af hjólunum.

Áhrifamat:

Umhverfisstofnun metur framkvæmdina ekki líklega til að hafa neikvæð áhrif á verndargildi svæðisins. Viðburðurinn fer fram á vegi en gæta þarf þess að ef hjól eða bifreið í tengslum við keppnina þarf að stoppa innan þjóðgarðsins að gætt sé að öryggi annara vegfarenda og náttúru. Ekki er talið líklegt að viðburðurinn hafi neikvæð áhrif á upplifun gesta af þjóðgarðinum þar sem keppnin fer fram snemma morguns og umferð því takmörkuð.

Skilyrði:

Umhverfisstofnun veitir Race makers fyrir sitt leyti leyfi fyrir hjólreiðaviðburði innan þjóðgarðsins sbr. lýsingu hér að ofan þann 27. júlí 2019 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Virða skal umgengnisreglur sem gilda um svæðið.

- Umsækjandi skal koma tilkynningum til ferðaþjónustuaðila á svæðinu og tjaldstæða þar sem ferðamenn eru upplýstir um viðburðinn og tímasetningu hans innan þjóðgarðsins með amk 24 klst fyrirvara til að aðrir vegfarendur viti af honum og tímasetningu hans.
- Aðstandendur viðburðarins tryggi að ekki verði skilinn eftir neinn úrgangur við hjólaleiðir
- Óheimilt er að hjóla utan vega.
- Þáttakendur taki tillit til annara gesta svæðisins á þeim vegum sem viðburðurinn fer fram.
- Stjórnendur viðburðarins upplýsi þátttakendur og aðstandendur þeirra um mikilvægi þess að halda sig á þjóðveginum og merktum áningarstöðum til að koma í veg fyrir rask á viðkvæmum gróðri og jarðminjum.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægð.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Leyfi lögreglu og Vegagerðarinnar gæti þurft fyrir verkefninu.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Leyfisgjald:

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um framkvæmdir og starfsemi er kr. 39.400.- sbr. 24. gr. b. gjaldskrá Umhverfisstofnunar nr. 535/2015.


Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllst



Þórdís Vilhelmina Bragadóttir
sérfræðingur



Linda Björk Hallgrímsdóttir
sérfræðingur